

**MAJLIS SAMBUTAN SISWA SISWI
(AKUJANJI PELAJAR IJAZAH)
SEMPENA
MINGGU SUAIKENAL SIDANG AKADEMIK 2013/2014
Teks Ucapan
BRIG. JENERAL DATO' PROF. DR. KAMARUDIN HUSSIN
Naib Canselor
Universiti Malaysia Perlis (UniMAP)
pada 3 September 2014 (Rabu) jam 8.00 pagi,
di Dewan 2020 Kangar Perlis.**

Bismillah Hirrahman Nirrahim

Assalamualaikum Warahmatullahi Taala Wabarakatuh, Salam Sejahtera dan Salam
1Malaysia.

Salam Ilmu, Keikhlasan dan Kecemerlangan UniMAP

Yang Berbahagia Timbalan-Timbalan Naib Canselor

Pegawai-Pegawai Utama Universiti.

Dekan - Dekan, Ketua-Ketua Jabatan,

Barisan Urusetia Minggu Suaikenal Serta Para Pembantu Pelajar Minggu Suaikenal,

Dan yang dikasihi pelajar-pelajar baru UniMAP

Selamat Pagi, Good Morning, Kalai Vannakam, Zao Shang Hao, Saba' Hun Khair.

KATA ALU-ALUAN

1. Alhamdulillah, syukur ke hadrat Allah S.W.T kerana mengizinkan kita berkumpul di Majlis Sambutan Siswa Siswi (AKUJANJI PELAJAR) sempena Minggu Suaikenal Kemasukan Sidang Akademik 2014/2015.
2. Selamat datang kepada pelajar-pelajar sekalian yang secara rasminya menjadi ahli keluarga UniMAP pada 1 September 2014. **Sebagai makluman, pada kemasukan 1 September lalu, UniMAP telah menerima 1031 lelaki dan 1553 perempuan bagi mengisi 37 program pengajian.** Ini menjadikan jumlah keseluruhan pelajar baru seramai 2584, tidak termasuk pengambilan kedua tidak lama lagi. Tahun ini juga buat pertama kalinya, kita memperkenalkan program baru iaitu Ijazah Sarjana Muda Komunikasi Media Baharu. Seramai 92 pelajar telah mendaftar untuk program ini di mana 34 lelaki dan 58 perempuan. Berikan tepukan yang gemuruh kepada para pelajar yang mendaftar pada 1 September 2014 yang lalu.
3. UniMAP juga akan menerima **161 pelajar** antarabangsa dari 21 negara, iaitu **81** pelajar **Intensive English Course (IEC)** yang telah mengikuti pengajian bahasa Inggeris di sini pada kemasukan November tahun lalu, dan **57** pelajar IEC kemasukan April 2014, selain **23** pelajar yang masuk terus dengan kelulusan IELTS dan TOEFL. Mereka insyaAllah akan mendaftardi UniMAP pada hari ini.

Pelajar yang dikasihi,

4. Bagaimana malam pertama kehidupan di kolej kediaman? Saya pasti ramai masih belum membiasakan diri dengan persekitaran di tempat baru. Namun, insyaAllah tidak lama lagi anak-anak akan dapat menerima cara kehidupan yang serba baru ini.
5. Menjejak kaki ke universiti merupakan impian bagi kebanyakan insan, tetapi bukan semua orang mendapat peluang tersebut. Anak-anak pelajar di hadapan saya ini adalah antara yang terpilih, sedangkan puluhan ribu lagi bersedih kerana tidak dapat merasai kehidupan di kampus.

6. Dari itu, hargailah peluang yang diberikan ini dengan belajar bersungguh-sungguh. Ingatlah kepada ibu bapa yang bersusah payah menghantar anak pelajar ke sini.
7. Di sepanjang perjalanan sebagai mahasiswa, anak-anak pelajar akan menghadapi pelbagai cabaran. Bagi mengatasi cabaran-cabaran itu, perlu ada ciri kesetiaan, pertimbangan yang baik, kerajinan, motivasi diri, optimis, berdaya tahan, bertanggungjawab, dan berkeyakinan tinggi. Anak-anak pelajar juga perlu sedia bertindak balas dengan apa jua cabaran yang mendatang.
8. Kehidupan di universiti tidak sama seperti di zaman persekolahan dahulu. Di sini, sikap proaktif, toleran, berfikiran terbuka dan prihatin terhadap perkara-perkara yang berlaku di sekeliling amat diperlukan. Kehidupan di universiti adalah lembaran baru yang perlu ditempohi dengan berani.

AKTA AUKU (PINDAAN 2012)

9. Sebagai Naib Canselor yang juga merangkap bapa kepada anak-anak pelajar, ingin saya berpesan. Anak-anak pelajar mungkin sedia maklum dengan Akta AUKU (Pindaan 2012) yang membenarkan mahasiswa terlibat dalam persatuan atau kumpulan termasuk parti politik ketika di luar kampus.
10. Tujuan akta itu ialah supaya sifat pasif dan berdiam diri pelajar dapat dibuang. Namun, saya khawatir sesetengah pelajar, terutama yang kurang matang pemikirannya, akan 'diperkudakan' oleh pihak-pihak berkepentingan politik. Seeloknya, pelajar tidak berpolitik, kerana bukan sahaja arena ini sering digunakan untuk memecah belahkan rakyat, tetapi nyata bahawa mereka yang tersasar ke jalan ini terabai pelajarannya. Ingat!!! anak-anak pelajar adalah golongan yang baik, hebat dan pintar. Dari itu, janganlah sia-siakan peluang ini. Berikanlah sepenuh tumpuan kepada pelajaran. Apabila sudah bergraduasi nanti, tiada halangan untuk berpolitik.

SUBSIDI YURAN

11. Suka saya mengingatkan bahawa bagi setiap pelajar, kerajaan memperuntukkan subsidi bagi meringankan beban yang ditanggung.
12. Bagi pelajar Ijazah Kejuruteraan dan Teknikal, yuran yang perlu dibayar bagi tempoh pengajian selama empat tahun adalah RM 11,690 sahaja, manakala subsidi yang Kerajaan tanggung adalah sebanyak RM 67,849 bagi tempoh yang sama. Ini bermakna bagi satu semester, purata jumlah yang perlu dibayar oleh pelajar adalah RM 1,461, dan kerajaan menanggung sebanyak RM 8,481. Jika dihitung secara keseluruhan, kos pengajian bagi seorang pelajar adalah RM 79,359. Dengan lain perkataan, pelajar hanya membayar 17 peratus sahaja dari jumlah keseluruhan pengajian.
13. Manakala bagi Ijazah Perniagaan dan Ijazah Komunikasi Media Baharu, kos bagi tiga tahun pengajian adalah RM 60,599. Tetapi pelajar hanya membayar RM 8,035 sahaja. Ini bermakna kos yang ditanggung kerajaan adalah RM 52,564. Pengiraan mudah menunjukkan pelajar hanya membayar 13 peratus dari jumlah sebenar.
14. Kos yang saya sebutkan ini adalah kos pengajian bagi seorang pelajar. Bayangkan ada beberapa ribu pelajar di sesebuah universiti yang perlu ditanggung pengajiannya oleh kerajaan!! Tujuan saya katakan perkara ini adalah untuk memberi kesedaran tentang betapa berat tanggungjawab yang anak pelajar pikul. Janganlah sia-siakan pelaburan yang telah kerajaan curahkan ini.
15. Tetapi bagi peringkat UniMAP, saya mohon kepada para pelajar untuk mengambil perhatian yang serius terhadap perkara yang ingin saya perkatakan ini. Dikesempatan yang ada ini saya ingin mengingatkan para anak pelajar dan ibu bapa atau penjaga untuk melangsaikan sepenuhnya yuran pengajian anak-anak mengikut semester seperti tarikh yang telah ditetapkan oleh pihak universiti.

16. Hal ini kerana, kegagalan para pelajar menyelesaikan bayaran yuran tersebut boleh menyebabkan para pelajar dihalang dari menduduki peperiksaan akhir. Malah skrol diploma atau ijazah anak-anak pelajar juga boleh disekat. Berikutan kegagalan pelajar membayar yuran pengajian yang tertangguh, telah menyebabkan pihak university menanggung kerugian yang besar selama bertahun-tahun. Oleh itu, saya mohon kerjasama pelajar untuk lebih peka dan sensitif mengenai perkara ini dan tidak melengahkan proses pembayaran yuran pengajian para pelajar kepada pihak universiti dalam tempoh masa yang ditetapkan.

Pelajar yang dikasihi,

UniMAP SECARA KESELURUHAN

17. Anak pelajar kini berada dalam minggu suaikenal yang direncana dengan pengisian aktiviti yang padat. Pasti ada yang merungut keletihan kerana tidak cukup rehat dan sebagainya. Namun, minggu ini adalah sangat penting bagi membantu anak pelajar menyesuaikan diri.
18. Dengan kampus UniMAP yang bersifat bertaburan ini, mungkin ada yang beranggapan situasi sebegini menyusahkan. Namun, marilah kita bersusah-susah dahulu, bersenang-senang kemudian. Sedarlah bahawa untuk berjaya tidak ada jalan mudah. Sebaliknya kita perlu menempuh kepayahan dahulu. Jadikanlah cabaran kampus bertaburan ini sebagai peluang untuk mengoptimumkan kemahiran pengurusan masa.
19. Bagi memastikan setiap pelajar menikmati keselesaan sepanjang berada di kampus, kemudahan dan prasarana yang baik telah dibangunkan. Umpamanya, terdapat perkhidmatan bas berjadual yang memastikan pergerakan pelajar tidak terjejas. Kini, terdapat juga **wifi** pada kebanyakan bas. Kemudahan di kolej kediaman juga disusun agar keselesaan dan kualiti penginapan pelajar terjamin.

20. Makmal-makmal di UniMAP adalah antara yang terbaik di rantau ini. Sebagai contoh, makmal pengajaran fabrikasi semikonduktor, iaitu 'Clean Room' menjadi tarikan industri sehingga ia dijadikan tempat di mana industri menghantar pekerja untuk dilatih dari semasa ke semasa. **Anak pelajar nanti akan dibimbing bukan saja oleh staf akademik tempatan, tetapi juga dari luar negara termasuk dari Australia, Iraq, Indonesia, Bangladesh, India, Britain, Myanmar, Republik Kyrgyz, Pakistan, dan Jepun.**
21. Ramai antara pensyarah ini yang telah menghasilkan produk penyelidikan yang memenangi pingat di pertandingan peringkat kebangsaan dan antarabangsa, antaranya di Geneva, Warsaw, Nuremberg, Seoul, Brussels dan Pittsburgh.

APLIKASI TELEFON

22. Tidak cukup dengan itu, dengan perkembangan teknologi internet dewasa ini, dunia menjadi begitu kecil. Fenomena 'Global Village' yang dibayangkan dalam buku 'The Gutenberg Galaxy' dan 'Understanding Media' tulisan Marshall McLuhan kini menjadi realiti. 'Global Village' direalisasikan melalui komunikasi elektronik, dan UniMAP sebenarnya bergerak seiring dengan kemajuan ini.
23. Sebagai contoh, baru-baru ini, Pusat Teknologi Maklumat UniMAP telah memperkenalkan aplikasi atas talian, di mana pelajar dan staf, termasuk saya sendiri, boleh mengakses maklumat-maklumat terkini universiti melalui telefon pintar. Suka saya menyeru kepada anak pelajar untuk memuat turun (download) aplikasi tersebut dalam telefon pintar masing-masing.
24. Ini agar anak-anak pelajar mendapat info terkini Universiti walau di mana anak pelajar berada. Inilah yang kita katakan 'dunia tanpa sempadan' sehinggakan semua maklumat berada di hujung jari.

25. Sebagai Naib Canselor, suka saya memberi jaminan bahawa aspek pengajian, penginapan, pengangkutan dan keselamatan pelajar sentiasa diberi keutamaan. Saya sendiri memantau operasi harian universiti setiap masa menggunakan apa jua kemudahan yang ada. Contohnya, saya dan rakan-rakan pengurusan Universiti sentiasa memantau keadaan di sekitar UniMAP melalui lebih 80 kamera yang ditempatkan di seluruh kampus.
26. UniMAP juga mengamalkan dasar penempatan 100 peratus pelajar di dalam kampus. Dasar ini adalah manifestasi pelaksanaan amanah Universiti sebagai pengganti ibu bapa dan penjaga anak pelajar sepanjang anak pelajar berada di sini.

Pelajar yang dikasihi,

27. Setiap universiti mempunyai nilai terasnya yang tersendiri. Di UniMAP, nilai terasnya ialah '**ilmu, keikhlasan, dan kecemerlangan**'
28. Ilmu adalah peneraju amal yang diamanahkan Tuhan, manakala keikhlasan mendasari penerokaan ilmu. Hayatilah 'ilmu, keikhlasan dan kecemerlangan' seperti yang kita nyanyikan dalam lagu rasmi, 'WAWASANKU' sebentar tadi. Lirik lagu ini mempunyai maksud yang mendalam, sejajar dengan falsafah yang kita dukung, iaitu...
- **Alam kejuruteraan** - yang bermaksud UniMAP merupakan hub di mana ilmu dibangun dan diperkembangkan.
 - **Ilmu keikhlasan kecemerlangan** - adalah nilai teras yang dipegang untuk menjadi warga berminda kelas pertama, sesuai dengan aspirasi kerajaan.
 - **Wawasan jiwa kita** bermakna kita bukan setakat faham akan ilmu, keikhlasan dan kecemerlangan secara ilmiah saja, tetapi kita juga menghayati dan menjiwainya.
 - **Berdikari rohaniah berteknologi** adalah ciri-ciri yang kita idamkan. Kita berdikari zahir dan batin dan menggunakan teknologi agar mampu berada di bahagian paling hadapan dalam bidang ilmu.

- **Pemimpin berbestari** membawa maksud kita memimpin dan kita juga mengeluarkan graduan bestari yang menjadi pemimpin dalam bidang masing-masing.
- **Untuk bangsa, insan, dan umat dunia** bererti kita berbakti untuk bangsa Malaysia, manusia, dan dunia keseluruhan, tanpa melupakan agama Islam, iaitu agama rasmi negara.
- **Negara yang tercinta** - adalah Malaysia dan semua masyarakat berbilang kaumnya. Kita mendukung aspirasi kerajaan untuk membangunkan modal insan yang berupaya menyumbang kepada pembangunan Negara dan dunia.

29. Misi UniMAP ialah melahirkan modal insan kamil yang menyumbang kepada agenda pembangunan dan daya saing industri negara. Manakala visi UniMAP pula adalah untuk menjadi institusi akademik dan penyelidikan yang berdaya saing di persada antarabangsa.

30. Sebagai pelajar baru, anak pelajar haruslah memahami dan menghayati misi dan visi ini. Jiwaitlah ia agar dapat menjadi siswazah yang menjadi aset berharga Negara.

Pelajar yang dikasihi,

31. Dalam dokumen perancangan strategik, UniMAP berhasrat melahirkan graduan yang mendapat CGPA 3.67 ke atas sebanyak 20% dan graduan yang mendapat CGPA 3.0 - 3.66 sebanyak 60%.

32. Kita juga ingin melahirkan graduan minda kelas pertama dengan daya kepimpinan yang hebat, penguasaan bahasa Inggeris dan bahasa lain yang tinggi, mempunyai keterampilan diri yang menarik dan disayangi oleh pemegang taruh.

33. Kita berharap agar 100% pelajar terlibat dalam kegiatan sukan, kebudayaan, kerja-kerja amal dan masyarakat, serta dapat memenangi banyak pingat, termasuk sekurang-kurangnya 8% pingat emas dalam pertandingan sukan antara universiti.
34. UniMAP akan berusaha bersungguh-sungguh agar dapat melibatkan sekurang-kurangnya 5% pelajar dalam aktiviti pengantarabangsaan melalui pertukaran pelajar dalam bidang sukan, kebudayaan dan pertandingan-pertandingan di peringkat antarabangsa seperti bahas, keusahawanan, rekacipta dan lain-lain lagi.
35. Bagi memenuhi harapan ini, saya berharap anak pelajar semua tekadkan usaha untuk menjadi yang terbaik antara yang terbaik. Ingatlah tiada jalan singkat dalam mencapai kejayaan. Ibarat kata pepatah Melayu, yang bulat tidak datang bergolek, yang pipih tidak datang melayang.

Seterusnya, saya ingin memperkenalkan barisan Ketua Jabatan Universiti Malaysia Perlis.

1. Brig. Jen. Datuk Prof. Dr. Kamarudin bin Hussin
Naib Canselor

2. Dato' Prof. Dr. Zul Azhar Zahid Jamal
Timbalan Naib Canselor (Akademik dan Antarabangsa)

3. Prof. Dr. Abdul Hamid Adom
Timbalan Naib Canselor (Penyelidikan dan Inovasi)

4. Prof. Madya Dr. Mohd. Fo'ad Sakdan
Timbalan Naib Canselor (Hal Ehwal Pelajar dan Alumni)

5. En. Zuber Hj. Mohamad,
Pendaftar

6. Pn. Saodah Hassan,
Bendahari

7. Pn. Mazmin Mat Akhir,
Timbalan Ketua Pustakawan

8. Prof. Dr. Zuraidah Mohd. Zain
Penolong Naib Canselor (Komunikasi Korporat)

9. Prof. Madya Abdul Aziz Mahmuddin
Penolong Naib Canselor (Pembangunan Korporat dan Pengurusan Kualiti)

10. Prof. Ir. Dr. Rezuwan Kamaruddin
Dekan Pengurusan Akademik

11. Prof. Dr. Syed Alwee Aljunid Syed Junid
Dekan Pusat Pengurusan Penyelidikan dan Inovasi

12. Prof. Madya Razli Ahmad
Dekan (Hal Ehwal Pelajar dan Alumni)

13. Dr. Rizalafande Che Ismail
Dekan, Pusat Pengajian Kejuruteraan Mikroelektronik

14. Prof. Dr. R Badlishah Ahmad
Dekan

Pusat Pengajian Kejuruteraan Komputer & Perhubungan

15. Prof. Madya Dr. Mohd. Fareq Abd. Malek
Dekan, Pusat Pengajian Kejuruteraan Sistem Elektrik

16. Dr. Khairrel Rafezi Ahmad
Dekan, Pusat Pengajian Kejuruteraan Bahan

17. Dr. Abu Hassan Abdullah
Dekan, Pusat Pengajian Kejuruteraan Mekatronik

18. Dr. Khairul Azwan Ismail
Dekan, Pusat Pengajian Kejuruteraan Pembuatan

19. Dr. Muhammad Syarhabil Ahmad
Dekan, Pusat Pengajian Kejuruteraan Bioproses

20. Prof. Madya Dr. Khairul Nizar Ismail
Dekan, Pusat Pengajian Kejuruteraan Alam Sekitar

21. Prof. Madya Dr. Hazry Desa
Dekan
Pusat Pengajian Inovasi Perniagaan dan Teknousahawan

22. Prof. Dr. Mohd. Yusoff Mashor
Dekan, Pusat Pengajian Siswazah

23. Dr. Huzili Hussin
Dekan, Pusat Pengajian Pembangunan Insan Dan Teknokomunikasi (iKOM)

24. Prof. Madya Che Mohd. Ruzaidi Ghazali
Dekan, Fakulti Teknologi Kejuruteraan

25. Prof. Dr. Amran Ahmed
Dekan, Institut Matematik Kejuruteraan

26. Prof. Dr. Uda Hashim
Pengarah, Institut Kejuruteraan Nano Elektronik

27. Prof. Madya Dr. Mahmad Nor Jaafar
Pengarah, Institut Agroteknologi Lestari

28. Prof. Dr. Harshita Aini Haroon
Pengarah, Pusat Bahasa Antarabangsa

29. Dr. Mukhzeer Mohamad Shahimin
Pengarah, Pusat Kerjasama Industri dan Agensi Kerajaan

30. Prof Dr Rosni Bakar
Pengarah, Pusat Hal Ehwal Antarabangsa

31. Prof. Madya Mazelan Abdul Hamid
Pengarah, Jabatan Pembangunan

32. En. Nor Azmi Hj. Johari
Pengarah, Jabatan Keselamatan

33. En. Nasrudin bin Abd. Shukor
Pengarah, Pusat Teknologi Maklumat dan Komunikasi

34. En. Afizal Abu Othman
Pengarah, Pusat Sukan/Pengetua Kolej-kolej Kediaman

35. Prof. Madya Dr. Mohammad Iqbal Omar
Pengarah, Pusat Kesihatan

36. Prof. Madya Dr. Zaliman Sauli
Pengarah, Pusat Ko-Kurikulum

37. Prof. Datuk Wira Dr. Mohd. Salleh Hj. Din
Pengarah, Pusat Pembangunan Keusahawanan, Pengkomersilan dan Pengurusan Harta Intelek

38. Ustaz Hassan Arshad,
Pengarah, Pusat Islam

39. <belum diisi>
Pengarah
Institut Kajian Strategik, Kepimpinan dan Komuniti

40. Prof. Datin Paduka Datuk Dr. Ramlah Adam
Pengarah, Pusat Kajian Institusi Raja Malaysia

41. <belum diisi>
Pengarah, Unit Kebudayaan dan Rekreasi

42. Prof. Dr. Salleh Abd. Rashid
Pengarah, Unit Pembangunan Lestari

43. Prof. Dr. Asiah Sarji
Pengarah, Pusat Penerbitan UniMAP

44. Ir. Dr. Anuar Mat Safar
Pengarah, Unit Kelayakan dan Akreditasi

45. Prof. Madya Lt. Kol. (B) Azuddin Bahari
Pengarah, Unit Keselamatan dan Kesihatan Pekerjaan

46. En. Noor Hasnizam Hanafi
Pengarah, Unit Penyelarasan Program Diploma

47. Dr. Azuwir Mohd Nor
Pengarah, Unit Multimedia

48. Prof. Madya Dr. Zainab Hamzah
Pengarah, Unit Media

49. Prof. Madya Dr. Othman Hashim
Pengarah, Unit Audit Dalam

50. Dr. Midhat Nabil Ahmad Salimi
Pengarah, Unit Perumahan Dan Penginapan Pelajar

51. YM Raja Shah Erman Raja Arifin
Pengetua Kolej-kolej Kediaman

52. Pn. Kartini Hj. Alir
Pengetua Kolej-kolej Kediaman

53. En. Syed Akhmal Syed Jamalil
Pengetua Kolej-kolej Kediaman